

## 中國接骨圖說目次

接骨總論	一
檢骨	一
顛骨	五
窗骨	五
山角骨	五
凌雲骨	六
晴明骨	六
兩顴骨	六
鼻樑骨	六
中血堂	六
地閣骨	六
齒牙	六
扶桑骨	七
頰車骨	七
後山骨	七
壽台骨	八
旋台骨	八

目次

額子骨	八
胸骨	八
岐骨	九
髑骨	九
背骨	九
腰骨	〇
尾氈骨	〇
鬚骨	〇
肩胛骨	〇
臑骨	一
肘骨	一
臂骨	一
腕骨	一
五指骨	二
膀骨	二
環跳骨	二
股骨	二

一

膝蓋骨	一二
胫骨	一三
腓骨	一三
跗骨	一三
趾骨	一三
跟骨	一三
脈證治法	一〇
十不治證	二三
敷藥法	二四
藥熨法	二四
熨斗烙法	二六
錐熨法	二六
振挺法	二八
腰注法	二八
杉籬法	二九
裹密法	三一
正骨圖解	四〇
探珠母法	四〇
探珠子法	四一

熊顧母法	四二
熊顧子法第一	四三
熊顧子法第二	四四
熊顧子法第三	四五
車轉母法	四六
車轉子法第一	四七
車轉子法第二	四八
車轉子法第三	四九
車轉子法第四	五〇
車轉子法第五	五一
車轉子法第六	五二
車轉子法第七	五三
車轉子法第八	五四
圓旋母法	五五
圓旋子法第一	五六
圓旋子法第二	五七
圓旋子法第三	五八
圓旋子法第四	五九
躍魚法	六〇

遊魚法并圖	六一
鸞翔法并圖	六二
靡風母法并圖	六三
靡風子法第一并圖	六四
靡風子法第二并圖	六五
靡風子法第三并圖	六六
鶴跨母法并圖	六七
鶴跨子法并圖	六八
騎龍母法并圖	六九
騎龍子法并圖	七〇
燕尾母法并圖	七一
燕尾子法第一并圖	七二
燕尾子法第二并圖	七三
尺蠖母法并圖	七四
尺蠖子法第一并圖	七五
尺蠖子法第二并圖	七六
尺蠖子法第三并圖	七七
弄玉法并圖	七八
螺旋法并圖	七九

領尾法并圖	八〇
接骨經驗方	八一
麻藥部	八一
整骨麻藥	八一
九鳥散	八一
草烏散	八一
熨藥部	八一
艾陽泥	八一
黃酒散	八二
蒲黃散	八二
馬鞭散	八二
定痛散	八二
熨烙泥	八三
國壽散	八三
泊夫藍湯	八三
膏藥部	八四
蚯蚓膏	八四
笏爾膏	八四
敷藥部	八四

一白散	八四
鯽魚泥	八四
生鱸泥	八四
苗香酒	八五
雞舌丹	八五
翻風散	八五
救急奇方	八五
黑龍散	八五
赤地利散	八六
楊梅散	八六
假母布刺酒	八六
琥珀散	八六
無名散	八六
玳瑁光	八七
生鱸散	八七
鱗血散	八七
青泥	八七
綴藥	八七
消毒定痛散	八八

麻肌散	八八
洗藥部	八八
散瘀和傷湯	八八
葫蘆煎	八八
片腦水	八九
丸散部	八九
鷄鳴散	八九
當歸導滯散	八九
奪命散	八九
八釐散	九〇
黑藥方	九〇
當合丸	九〇
疏血丸	九〇
塞鼻丹	九一
回陽玉龍丸	九一
六味地黃丸	九一
蘇合香丸	九二
驚霜散	九二
黑神散	九二

湯藥部	九三
復元活血湯	九三
斂血劑	九三
清上瘀血湯	九三
清下破血湯	九四
正骨順氣湯	九四
赤地利湯	九四
鱖魚湯	九五
加減蘇子桃仁湯	九五
犀角地黃湯	九五
桃仁承氣湯	九五
抵當湯	九五
調經散	九六
折傷木湯	九六
四物湯	九六
百合散	九六
加減承氣湯	九七
玉燭散	九七

# 中國接骨圖說

杏蔭齋吉原先生手法

濱田二宮獻彥可甫著

## 接骨總論

接骨。或稱正骨。或稱整骨。皆謂整所跌撲損傷之骨節也。宋時始有正骨科。至明又立接骨科。聖濟總錄。證治準繩。醫宗金鑑等書可考。金鑑特載摸、接、端、提、按、摩、推、拿之八法。而未爲詳備。今以金鑑八法爲經。新立母法十五子法三十六。以爲緯。凡三百六十五節之傷損者。無所逃於此手法。夫手法者。何也。謂以兩手使所傷之骨節仍復於舊也。但傷有輕重。而手法各有所宜。其復舊之遲速。及遺留殘疾與否。皆關手法所施之巧拙也。蓋一身之骨節非一致。而筋脈羅列。又各不同。故能知其骨節。識其部位。一旦臨證。機觸於外。巧生於內。手隨心轉。法從手出。或拽之離而復合。或推之就而復位。或正其斜。或完其闕。則骨之截斷。碎斷。斜斷。筋之弛縱。卷攣。翻轉。離合。雖在肉裏。以手運轉推拿之。自適其情。是稱爲手法也。手法亦不可妄施。若元氣素弱。一旦被傷。勢已難支。設手法再誤。則萬難挽回。

於是別有揉法百五十法。心明手巧。既知其病情。復善用其法。然後治自多效。誠其宛轉運用之妙。要以一己之卷舒高下。疾徐輕重。開合。能達病者之血氣凝滯。皮肉腫痛。筋骨攣折。與情志之苦欲也。故不口授面命。則難得其法矣。

檢骨

先問其爲跌撲。或爲錯閃。或爲打撞。摸檢其所傷之骨節。知其骨脫。骨斷。骨碎。骨歪。骨整。骨軟。骨硬。而後以手法治之。是正骨家檢骨之大要也。最不可孟浪也。夫人之周身。有三百六十五骨節。以一百六十五字。都關次之首。自鈴骨之上爲頭。左右前後至轅骨。以四十九字。共關七十二骨。顛中爲都顛骨者一。次顛爲腰骨者一。腰前爲頂威骨者一。腰後爲腦骨者一。腦左爲枕骨者一。枕就之中。附下爲天蓋骨者一。蓋骨之後爲天柱骨者一。蓋前爲言骨者一。言下爲舌本骨者一。左右共二。腰前爲顛骨者一。顛下爲伏委骨者一。伏委之下爲俊骨者一。眉上左爲天賢骨者一。眉上右爲天貴骨者一。左睛之上爲智宮骨者一。右睛之上爲命門骨者一。鼻之前爲梁骨者一。梁之左爲顛骨者一。梁之右爲紕骨者一。梁之端爲嵩柱骨者一。左耳爲司正骨者一。右耳爲納邪骨者一。正邪之後爲完骨者。左

右共二。正邪之上附內爲噓骨者一。噓後之上爲通骨者。左右前後共四。噓上爲嚙骨者一。其嚙後連屬爲頷也。左頷爲乘骨者一。右頷爲車骨者一。乘車之後爲轅骨者。左右共二。乘車上下山齒牙三十六事。復次鈴骨之下爲臚中。左中前後至蓀。以四十字。關九十七骨。轅骨之下左右爲鈴骨者二。鈴中爲會厭骨者一。鈴中之下爲咽骨者。左中及右共三。咽下爲喉骨者。左中及右共三。喉下爲嚙骨者。環次共十事。嚙下之內爲肺系骨者。累累然共十二。肺系之後爲谷骨者一。谷下爲脩道骨者。左右共二。嚙外次下爲順骨者共八。順骨之端爲順隱骨者共八。順下之左爲洞骨者一。順下之右爲棚骨者一。洞棚之下。中央爲鬲肝骨者一。鬲肝直下爲天樞骨者一。鈴下之左右爲缺盆骨者二。左缺盆前之下爲下獸骨者一。右缺盆前之下爲分鱗骨者一。獸鱗之後附下爲倉骨者一。倉之下左右爲膠骨者共八。膠下之左爲胸骨者一。膠下之右爲蕩骨者一。胸之下爲烏骨者一。蕩之下爲臚骨者一。鈴中之後爲脊竅骨者共二十二。脊竅次下爲大動骨者一。大動之端爲歸下骨者一。歸下之後爲纂骨者一。歸下之前爲蓀骨者一。復次缺盆之下左右至覬。以二十五字。關六十骨支。其缺盆之後爲偃甲骨者。左右共二。偃甲之端爲甲隱骨者。左右共二。前支缺



盆爲飛動骨者。左右共二次。飛動之左爲龍髻骨者一。次飛動之右爲虎衝骨者一。龍髻之下爲龍本骨者一。虎衝之下爲虎端骨者一。本端之下爲腕也。龍本內爲進賢骨者一。虎端上內爲及爵骨者一。腕前左右爲上力骨者共八。次上力爲駐骨者。左右共十。次駐骨爲擗骨者。左右共十。次擗爲助勢骨者。左右共十。爪甲之下各有觀骨。左右共十。復次鬲肝之下。左右前後至初步。以五十一字。鬲一百三十六骨。此下至兩乳下分左右。自兩足心。衆骨所會處也。鬲肝之下爲心蔽骨者一。鬲肝之左爲脇骨者。上下共十二。左脇之端各有脇隱骨者。分次亦十二。脇骨之下爲季脇骨者共二。季脇之端爲季隱骨者共二。鬲肝之右爲肋骨者共十二。肋骨之下爲肋助骨者共二。右肋之端爲肋隱骨者共十二。膝骨之前爲大橫骨者一。橫骨之前爲白環骨者共二。白環之前爲內輔骨者。左右共二。內輔之後爲骸關骨者。左右共二。骸關之下爲捷骨者。左右共二。捷骨之下爲髀樞骨者。左右共二。髀樞下端爲膝蓋骨者。左右共二。膝蓋左右各有俠升骨者共二。髀樞之下爲斷骨者。左右共二。斷骨之外爲外輔骨者。左右共二。斷骨之下爲立骨者。左右共二。立骨左右各有內外踝骨者共四。踝骨之前各有下力骨者。左右共十。踝骨之後各有京骨者。左右共二。下力

有釋欹骨者。共十。釋欹之前各有起仆骨者共十。起仆之前各有平助骨者。左右共十。平助之前各有襯甲骨者。左右共十。釋欹兩傍各有核骨者。左右共二。起仆之下各有初步骨者。左右共二。凡此三百六十五骨也。天地相乘。惟人至靈。其女人則無頂威左洞右棚及初步等五骨。止有三百六十骨。又男子女人一百九十骨。或隱或襯或無髓勢。餘二百五十六骨。並有髓液以藏諸筋。以會諸脈。谿谷相需。而成身形。謂之四大。此骨度之常也。

顛骨者。頭頂也。其骨男子三叉縫。女子十字縫。位居至高。內函腦髓如蓋。故名天靈蓋。以統全體者也。或碰撞損傷。骨碎破者必死。或卒然暈倒。身體強直。口鼻有出入聲氣。雖目閉面如土色。心口溫熱跳動者可治。切不可搬拿並扶起。惟宜屈膝側臥。先徐徐用揉法。後熊顧子法。第二整理之。囟骨者。嬰兒頂骨未合軟而跳動之處。名曰囟門。或打撲損傷。骨縫雖綻。尚未震傷腦髓。筋未振轉者。生治法類顛骨。大凡嬰孩之手法者。皆貴揉法。

山角骨。即頭頂兩傍稜骨也。顛撲損傷。骨碎破者死。骨未破則雖宜紫腫硬瘀。血凝聚疼痛。或有昏迷目閉不能起。聲氣短少。語言不出。心中慌亂。

睡臥喘促。飲食少進者。可治。用揉法須輕輕。

凌雲骨。在前髮際下。即正中額骨。其兩眉上之骨。左名天竇骨。右名天貴骨。兩額骨也。打撲損傷者。面目浮腫。若內傷者。瘀血上而吐衄。昏沉不省人事。治同山角骨。

睛明骨。即目窠四圍目眶骨也。其上曰眉稜骨。其下曰顴骨。顴骨下接上牙床。打仆損傷。血流滿面。或骨碎。眼胞損傷。瞳神破碎者。難治。

兩顴骨者。面上兩旁之高起大骨也。擊仆損傷。青腫堅硬疼痛。或牙車緊急。嚼物艱難。或鼻孔出血。或兩唇掀翻者。治。骨破碎者不治。

鼻樑骨者。鼻孔之界骨也。下至鼻之盡處。名曰準頭。或打撲鼻兩孔傷鼻樑骨。凹陷者可治。血出無妨。若跌磕傷開鼻竅。或鼻被傷落者。亦無不治。中血堂。即鼻內頰下脆骨空虛處也。雖被打撲傷損。神氣迷昏者無妨。血流不止者危。

地閣骨。即兩牙車相交之骨。又名頰。俗名下巴骨。上載齒牙。打撲損傷者。頰唇腫痛。牙車振動。雖目閉神昏。或心熱神亂。氣弱體軟者。亦無不治。齒者。口齦所生之骨也。又名曰牙。有門牙虎牙槽牙。上下盡根牙之別。凡被跌打砍磕。落去牙齒。如走馬牙疳。出血不止者至危。

扶桑骨。卽兩額骨旁近太陽肉內凹處也。若跌仆損傷。或掀腫。或血出。或青紫堅硬。頭疼耳鳴。青痕滿面。憎寒惡冷。心中發熱。若撞撲傷凹。骨碎透內者死。

頰車骨。卽下牙床骨也。俗名牙鉤。承載諸齒。能咀食物。有運動之象。故名頰車。其骨尾形如鉤。上控於曲頰之環。其曲頰名兩鉤骨。卽上頰之合鉗。以納下牙車骨尾之鉤者也。其上名玉梁骨。卽耳門骨也。或打仆脫鉤曰。或因風濕襲入。鉤環脫臼。單脫者。爲錯。雙脫者。爲落。若欠而脫臼者。乃突滑也。無妨。脫臼者。名架風。又落下頰。俗名吊下巴欠。又云打哈氣。探珠母子法整頓之。

後山骨。卽頭後枕骨也。其骨形狀不同。或如品字。或如山字。或如川字。或圓尖。或月牙形。或偃月形。或雞子形。皆屬枕骨。凡有傷損。其人頭昏目眩。耳鳴有聲。項強咽直。飲食難進。坐臥不安者。先用探法整之。後熊顧子法第二正之。如僕從高處墜下。後山骨傷太重。筋翻氣促。疲嚮如拽鋸之聲。垂頭目閉有喘聲者。此風熱所乘。至危之證。不能治也。遺尿者必亡。惟月牙形者。更易受傷。如被墜墮打傷。震動蓋頂骨縫。以致腦筋轉擗。疼痛昏迷。不省人事。少時或明者。其人可治。

壽台骨。即完骨在耳後接於耳之玉樓骨者也。若跌打損傷。其耳上下俱腫起。耳內之禁骨有傷。則見血膿水。耳外瘀聚凝結疼痛。筋結不能舒通。以致頭暈眼迷。兩太陽扶桑骨脹痛。頸項筋強。虛浮紅紫。精神短少。四肢無力。坐臥不安者。先用揉法整之。後熊顧子法第三端理之。

旋台骨。又名玉柱骨。即頭後頸骨三節也。一名天柱骨。此骨被傷。共分五證。一曰。從高墜下。致頸骨插入腔內。而左右廢活動者。用熊顧子法第一拔提之。二曰。打傷頭低不起。用熊顧母法整理之。三曰。墜墮左右歪邪。項強不能顧者。熊顧母法提顧之。四曰。仆傷面仰頭不能乘。或筋長骨錯。或筋聚。或筋強者。用熊顧子法第二端之。五曰。自縊者。旦至暮。心下若微溫者可治。暮至旦。雖心下微溫不可治。徐徐抱解。不能截繩。上下安被臥之。用熊顧子法第三整理之。

鬲子骨。經名柱骨。橫臥於兩肩前缺盆之外。其兩端外接肩解。擊打損傷。或驅馬候墜於地。或從高墜下。或撞撲砍磕。骨斷骨叉乘者。用車轉子法第八整之。

胸骨。即鬲肝骨。乃胸膈衆骨之統名也。一名膈骨。一名臆骨。俗名胸膛。其兩側自腋而下至肋骨之盡處。統名曰脇。脇下小肋骨名曰季脇。季肋俗

名軟肋。肋者單條骨之謂也。統脇肋之總。又名曰肋。凡胸骨被物從前面撞打跌仆者重。從後面撞仆者輕。輕者用揉法治之。重者骨斷骨又乘用靡風子法第三整理之。兩乳上骨傷者。用靡風子法第二治之。若傷重者。內透胸中。傷心肺兩藏。其人氣亂昏迷。閉目嘔吐血水。呃逆戰慄者。則危在旦夕。不可醫治矣。

岐骨者。即兩肩骨端相接之處。其下即鳩尾骨也。內近心君。最忌觸犯。或打撲損傷。骨閃錯。輕者用靡風子法第一治之。重者必入心藏。致神昏目閉。不省人事。牙關緊閉。痰喘鼻撮。久而不醒。醒而神亂。此血瘀而堅凝不行者也。難以回生。

鳧骨者。即胸下之邊肋。上下二條易被損傷。左右皆然。自此以上有肘臂護之。打撲傷損。用靡風母法端之。在下近腹者。鶴跨母法亦可。

背骨者。自後身大椎骨以下。腰以上之通稱也。其骨一名脊骨。一名膂骨。俗呼脊樑骨。其形一條居中。共二十一節。下盡尻骨之端。上載兩肩。內繫藏府。其兩旁諸骨附接橫疊。而彎合於前。則爲胸脇也。跌打傷損。瘀聚凝結。若脊筋腫起。骨縫必錯。則不可能俯仰者。用鶴跨母法整頓之。或有爲僂僂之形者。用鶴跨子法整理之。

腰骨。即脊骨十四椎十五椎十六椎間骨也。若跌打損傷。瘀聚凝結。身必俯臥。若欲仰臥側臥。皆不能也。疼痛難忍。腰筋僵硬者。騎龍母法治之。尾骶骨。即尻骨也。其形上寬下窄。上承腰脊諸骨。兩旁各有孔。名曰八膠。其末筋名曰尾間。一名骶端。一名橫骨。一名窮骨。俗名尾樁。或打撲跌蹶。或蹲墊骨錯。壅腫者。用騎龍母法。

髃骨者。肩端之骨。即肩胛骨曰端之上稜骨也。其曰含納髃骨上端。其處名肩解。即肩骸與髃骨合縫處。俗名吞口。一名肩頭。若被跌傷。手必屈轉向後。骨縫裂開。不能招舉。亦不能向前。惟扭於肋後而已。其氣血皆壅聚於肘。肘腫如椎不移者。用車轉子法第六整頓。或脫臼。手麻木。髃骨突出者。用車轉子法第一歸窠。或打撲髃骨閃錯。手不能舉。疼痛者。車轉母法整理之。或筋翻筋攣。筋脹。髃骨膠結。不能離脇肋者。用車轉子法第二轉之。或損傷經數日。而髃骨腫硬。髃肘瘀血凝滯如鍼刺者。車轉子法第三撥轉之。髃骨錯出于後。筋攣筋脹膠結不動者。車轉子法第四挫頓之。肩髃合縫高出。難用運轉之手法者。車轉子法第五整理之。雖髃骨不脫臼。不骨突出。前後上下運轉不如意。筋脈攣急者。車轉子法第七治之。

肩胛骨。肩髃之下附於脊背成片如翅者。名肩胛。亦名肩膊。亦名鋸板子。

骨打撲顛厥骨失位腫硬者用鸞翔之法整頓之。

臑骨即肩下肘上之骨也。自肩下至手腕一名肱。俗名肱膊。乃上身兩大支之通稱也。或墜馬跌碎。或打斷。或斜裂。或截斷。或碎斷。打斷者有碎骨。跌斷者無碎骨。先用揉法整之。將杉籬裹帘法縛之。

肘骨者。肱膊中節上下支骨交接處。俗名鵝鼻骨。若跌傷其肘尖向上突出。疼痛不止。先用圓旋子法第三挫頓。後用旋母法正之。肘骨脫臼。手垂不能舉。臂腕麻木。或冷涼。用圓旋母法整之。肘骨屈不伸。其筋斜彎者。用圓旋子法第一曳之。肘尖骨向上破皮肉突出。經日不復。腫硬筋攣不伸。臂腕失政者。用圓旋子法第二擊頓之。後用圓母法整理之。老人婦人小兒者。用圓旋子法第四整之。

臂骨者。自肘至腕有正輔二根。其在下而形體長大連肘尖者。爲臂骨。其在上而形體短細者。爲輔骨。俗名纏骨。疊並相倚。俱下接於腕骨焉。凡臂骨受傷者。多因迎擊而斷也。或斷臂輔二骨。或惟斷一骨。先用揉法端之。後用杉籬裹帘法。

腕骨。即掌骨。乃五指之本節也。一名壅骨。俗曰虎骨。其骨大小六枚。接以成掌。非塊然一骨也。其上並接臂輔兩骨之端。其外側之骨。名高骨。一名



腕骨亦名踝骨。俗名龍骨。以其能宛屈上下。故名曰腕。若墜馬手掌著地。只能傷腕。墜腫疼痛。若手背向後翻貼於臂者。并躍魚法端之。

五指之骨。名錘骨。即各指本節之名也。其各指次節名竹節骨。若被打傷。折五指。或翻錯一指。並游魚法整之。

膝骨。即髓骨也。又名髌骨。跌打損傷。筋翻足不能直行。筋短者脚尖著地。骨錯者。腎努斜行。用騎龍母法整之。

環跳者。髓骨外向之凹。其形似臼。以納髌骨之上端如杵者也。名曰機。又名髌樞。即環跳穴處也。跌打損傷。以致樞機錯努。青紫腫痛。不能步履。或行止欹側艱難。燕尾母法挫頓之。或環跳脫臼。筋弛足痿。寒麻木者。燕尾子法第一端之。或髓骨閃錯。及大腿骨一時碎者。先用揉法。整大腿骨。杉籬裹帘法纏縛之。後用燕尾子法第二。治髓骨閃錯。

股骨者。髌骨上端如杵。入如髌樞之臼。下端如錘。接於胫骨。統名曰股。乃下身兩大支通稱也。俗名大腿骨。墜馬擗傷。骨碎筋腫。黑紫清涼者。先用揉法端之。後用杉籬裹帘法。

膝蓋骨亦名膑骨。形圓而扁。覆於捷膝上下兩骨之端。內面有筋聯屬。其筋上過大腿至於兩脇。下過胫骨至於足背。如有跌打損傷。膝蓋上移者。

用尺蠖子法第二整之。或膝屈不伸。腫大筋翻轉者。用尺蠖母法端之。或膝頭大腫。黑紫筋直。腫脹疼痛。手不可近者。用尺蠖子法第一端之。或膝骨斜錯。股骨一時碎傷者。先整其股骨。後用尺蠖子法第三治之。胫骨。即膝下小腿骨。俗名膝脛骨者也。其骨二根在前者。名成骨。又名胫骨。其形粗在後者。名輔骨。其形細。又俗名勞堂骨。若被跌打損傷。其骨尖斜突外出。肉破血流。或砍碰被重物擊壓。骨細碎者。用揉法整之。杉籬裹布法縛之。

髌骨者。胫骨之下。足跗之上。兩旁突出之高骨也。在內者名內髌。俗名合骨。在外者名外髌。俗名核骨。或馳馬墜傷。或行走錯誤。則後跟骨向前。脚尖向後。筋翻肉腫。疼痛不止者。用弄玉法端之。


跗骨者。足背也。一名足跗。俗稱脚面。其骨乃足趾本節之骨也。其受傷之因不一。或從墮墜。或被重物擊壓。或被車馬踏碾。若僅傷筋肉。尚屬易治。若骨體受傷。每多難治。須尾法治之。

趾者。足之指也。名以趾者。所以別於手也。俗名足節。其節數與手之骨節同。大指本節後內側圓骨努突者。一名核骨。又名覈骨。俗呼爲孤拐也。趾骨受傷。多與跗骨相同。惟奔走急迫。因而受傷者多。游魚法治之。


跟骨者。足後跟骨也。上承跗輔二骨之末。有大筋附之。俗名脚躡。筋其筋


從跟骨過踝骨至腿肚裏上至腦中過臂抵腰脊至項自腦後向前至目  
皆皆此筋之所達也若落馬墜蹬等傷以致跟骨摔轉向前足趾向後即  
或骨未碎破而縫隙分離自足至腰脊諸筋皆失其常度拳攣疼痛宜螺  
旋法治之

正 面 名 目 圖




# 背 面 名 目 圖







顛頂正面圖




側面名目圖




背面部骨名圖



## 銀面骨名圖




肩背骨名圖




胸腹骨名圖

手骨名圖



足骨名圖





脈證治法

劉宗原曰。打撲金刃損傷。是不因氣動而病。生於外。外受有形之物所傷。乃血肉筋骨受病。非如六淫七情爲病。有在氣在血之分也。所以損傷一證。專從血論。但須分其有瘀血停積而亡血過多之證。蓋打撲墮墮皮不破而內損者。必有瘀血。若金刃傷皮出血。或致亡血過多。二者不可同法而治。有瘀血者。宜攻利之。若亡血者。兼補而行之。又察其所傷有上下輕重淺深之異。經絡氣血多少之殊。唯宜先逐瘀血通經絡和血止痛。然後調氣養血補益胃氣。無不效也。頃見圍城中軍士被傷。不問頭面手足胸背輕重。醫者例以大黃等利之。後大黃缺少。甚者遂以巴豆代之。以爲不於初時瀉去毒氣。後則多致危殆。至於略傷手指。亦悉以藥利之。殊不知大黃之藥。惟與有瘀血者相宜。其有亡血過多。元氣胃氣虛弱之人。不可服也。

戴院使云。仆踣不知。曰顛。兩手相搏曰撲。其爲損一也。因顛撲而迷悶者。酒調蘇合香丸灌之。因顛撲而損傷。宜逐其惡血。酒煎蘇木調蘇合香丸。或鷄鳴散。或和氣飲加大黃。入醋少許煎。或童便調黑神散。不用童便用。

蘇木煎酒調亦得。額撲傷疼。酒調琥珀散極佳。烏藥順氣散亦可。

大法固以血之瘀失分虛實。而爲補瀉。亦當看損傷之輕重。輕者。頓挫氣血凝滯作痛。此當導氣行血而已。重者。傷節折骨。此當續節接骨。非調治三四月。不得平復。更甚者。氣血內停阻塞。眞氣不得行者必死。急瀉其血通其氣。亦或有可治者焉。

凡打撲傷損者。先用手尋揣傷處。用藥敷數次。整頓其筋骨。以敷藥搽之。後用杉籬裹帘法。骨細碎者。別有正副夾縛定之法。正夾用杉皮去外重皮。約手指大。指排肉上。以藥敷杉皮上。其藥上用副夾。用竹片去裏竹黃。亦如指大。疏排夾縛。

凡打傷跌撲。其痛不可近者。先用草烏散九烏散之類之麻藥。則麻倒不知疼處。或用刀割開。或用剪去骨鋒。或以手整頓。骨筋歸元端正。後用夾板夾縛定。或箭鏃入骨不出。亦可用此藥麻之。或鐵鉗拽出。或用鑿鑿開取出。若人昏沉。後用鹽湯。或鹽水。或鐵醬汁。或濃煎茗與服立醒。

凡骨斷皮破者。不用酒煎藥。或損在內破皮肉者。可加童便在破血藥內。若骨斷皮不破。可全用酒煎藥服之。若只損傷。骨未折肉未破者。用正骨

順氣湯折傷木湯之類

凡皮破骨出差曰拔。搏捺不入。用快刀割皮間些捺入骨。不須割肉。肉自破。後用筲爾膏敷貼。瘡四傍腫處。用敷藥。若破而血多出者。用手整時。最要快便。

凡平處骨斷骨碎。皮不破者。只用敷藥。藥髮髮。髮若手足曲直等處。及轉動處。只宜絹包縛。令時數轉動。不可夾縛。如指骨碎斷。止用苧麻夾縛。腿上用苧麻繩夾縛。冬月熱縛。夏月冷縛。餘月漫縛。凡傷重其初麻而不痛。應拔伸捺正。或用刀取開皮。二三日後。方知痛。且先勻氣血。

凡筋攣筋縮筋翻者。摻以蚯蚓膏。而後頻用揉法。滿腫硬堅者。用振挺法。輕擊之。瘀血聚積。或青紫黑色。煖熱者。以三楞鍼刺數處出血。貼以鯽魚泥生鱗泥之類。

凡肉破出血不止者。以髮繩扎住其上。闊青筋放五六鍼。青筋不見者。以三稜鍼刺足委中穴。血突出高二尺許。漸漸如線流於地。約升餘。其人或暈倒。或如委頓狀。面失色。則瘡口出血頓止。

素問云。人有所墜墮。惡血留內。腹中滿脹。不得前後。先飲利藥。此上傷厥陰之脈。下傷少陰之絡。刺足內踝之下。然骨之前。血脈出血。刺足跗上動脈不已。刺三毛上各一瘡。見血則已。左刺右。右刺左。善悲驚不樂。刺如右方。

靈樞云。身有所傷。血出多反中風寒。若有所墜墮。四肢懈惰不收。名曰體惰。取小腹臍上三結交。陽明太陰也。臍下三寸。關元也。

脈經云。從高顛仆。內有血。腹脹滿。其脈堅強者生。小弱者死。破傷之脈。若瘀血停積者。堅強實則生。虛細澀則死。若亡血過多者。虛弱澀則生。堅強實則死。皆爲脈病不相應故也。

凡砍刺出血不止者。其脈止。脈來大者。七日死。滑細者生。

靈樞云。有所墜墮。惡血留內。有所大怒。氣上而不可行下。積於脇下則傷肝。又中風及有所擊仆。若醉入房。汗出當風則傷脾。又頭痛不可取於臉者。有所擊墮。惡血在內。若肉傷痛未已。可側刺。不可遠取之也。

### 十不治證

十不治證

胸背骨破入肺者。縱未即死。二七難過。左脇下傷透至內者。腸傷斷者。頭顱骨碎腦蓋傷者。小腹下傷。內橫骨破者。血出盡者。肩內耳後傷透內者。腰骨壓碎者。傷破陰子者。岷不實重者。

敷藥法


用蜜。或糯米糊。或東流水。或生薑自然汁。或無灰酒。或火酒。或霹靂酒。或醋。或陳醬汁。或童便。和散藥爲泥。鷄翎二三十莖。縛作刷子。掃痛處。俟其乾更塗。如此三四層爲度。若有肉破處。則唯布其四面。而露其口。兩三日後。用柳篦鏟落舊藥。換新藥。或用藥水泡洗。去舊藥亦可。惟不可驚動損處。

藥熨法

用木綿布方五寸。裹藥一劑。以麻絲括定。餘其絲條尺許。浸火酒於砂鍋中。定文于文火爐上。不令有潮氣。須酒色微紅時。取三指大青竹筒長五六寸。兩頭不留節。以所括麻條通竹筒中。絡其末。令如鼓桴熨患處。揉摩數次。

# 熨藥器圖

熨藥法  
藥熨法




# 藥熨按排圖



熨斗烙法


先搗爛葱白一味，合定痛散爲泥，敷於痛處，以毛頭紙蘸醋貼藥上，燒鐵熨斗烙紙上，以傷處覺熱，疼口中有聲爲度。

鐵熨斗圖



燙熨法

以藥泥攤厚好紙上，厚五分，更以紙覆其上，敷於患處，燒鐵燙子令通紅，烙熨其紙上。一法以藥泥攤紙上，厚五分，縱六寸，橫四寸，從四邊起紙來裹之，爲一片板，先以銅板架火爐上，置一片板于其上，俟熱透，疊熨於患處。



圖排按髮燙






振挺法

振挺木棒也。長尺半。圓圍三寸五分。或麵杖亦可。受傷之處。氣血凝結。疼痛。腫硬。先用布疊令三重。敷患處。以此挺輕輕振擊其患處。上下四旁。使氣血流通。得以四散。則疼痛漸減。腫硬漸消也。

製以桐木爲佳

振挺圖




長一尺五寸。圍三寸五分。


腰柱法

腰柱者。以杉木四根。製如扁擔形。寬一寸。厚五分。長短以患處爲度。俱就側面鑽孔。以布聯貫之。腰節骨被傷。錯節。膏肉破裂。筋斜。僂偻者。先以布纏圍患處一二層。將此柱排列於脊骨兩旁。再以布纏覆柱上數層。令端正爲要。

腰柱圖




腰柱按排圖




杉籬法

杉籬者，複逼之器也。量患處之長短闊狹，曲直凸凹之形，以杉木爲片，以布卷定之，酌其片數，記其次，以布聯編之，令不得紊亂。有似於籬，故名焉。手足骨斷，骨碎筋斜，筋斷者，先以布纏之，以此籬環抱之，再以布纏卷籬上，則骨縫吻合，堅牢無離綻脫走之患，令不動搖爲要。



杉籬夾縛圖




杉籬圖


夏月用竹籬爲佳

# 裹帘法


裹帘以白布爲之。層纏患處。故名裹帘。其長短闊狹。量病勢用之。和蘭醫書精錄其事。桂川月池先生之譯。別有其書。故唯舉一二圖而不復贅焉。




裹帘法




白兜



雙明縛




雙明縛




裹帝法


拾腕縛



編指縛




裹甲縛




龜手縛

十字帶




裹帶法

井字帶




三井





鉤臂帶




拐肘帶

腎 帶




裏附法


護 臍 帶




三十一




蛇形帶



蛇形帶




腰形縛



蛇像縛

正骨圖解



探珠母法

使患者正坐，一人坐  
背後生腰，以兩手承  
枕骨邊，腕骨當項指  
頭並向上面把定，要  
令不動搖，醫蹲踞前  
面，以兩手大拇指入  
患者口中，擰牙關盡  
處，四指捧下頰，乘勢  
極力向喉嚨突下，更  
向上突上，則雙鉤入  
上環。



探 珠 子 法

患者佐者坐如母法。  
醫以右手腕骨。捧持  
腮骨。指頭向頰車起  
大拇指。當地倉外面。  
探求牙關盡處。自皮  
上捺下如母法。左手  
受持下頰左傍。要令  
不搖而已。

使患者開兩踵於臀外而安坐。醫在其背後。踐開兩脚而直立。低頭視患者之額上。安右手於額中央。翻左手以虎口挾持其項骨。指頭用力把定髮際玉枕骨下陷處。翻右手載其頭於掌上。前後相圍。左手自肩用力提之。右手應左手



熊顧母法

之提。自下擡之。務勿不正。左右齊一。令右顧三次。然後當患者頭後於胸膛。以左手按額中央。翻右手挾持項骨。載頭於左手掌上如前。令左顧三次。



熊顧子法第一

使患者坐如母法。一人在患者之前。踐開兩脚。以兩手搭患者之肩井上邊。指頭向肩胛用力推鎖焉。醫直立其背後。兩手挾定如母法。提時左右徐徐令顧以己之呼吸為度。自肩至腕用力施震震法。其提上之勢。恰如拔頸狀。漸伸時當患者腦後於胸膛。捺托令不弛。以項手代頭手。相圍如前法。徐徐牽上。筋骨抒緩時。令左右顧數次。





## 熊顧子第二法


使患者坐如母法。醫  
坐其右側立右膝安  
置右肘於髓上翻掌  
載患者頭於其上覆  
左手虎口挾定項骨。  
用力擡上如母法提。  
左顧時右膝載肘而  
將送之此法爲貴人  
設如其重症猶須前  
法。



### 熊顧子法第三


使患者仰臥，醫箕踞其頭上，以兩足踏定患者之肩井，翻在手挾項骨，右掌勾頭徐徐令顧如子法第一。其左顧也，用力踏右肩。右顧反是。其左右變互十次。

使患者正坐。醫坐其右側如雁行。斜歛右膝。左踵安置左臀於其跟上。用爲跣。覆左手搭患者肩。上掌中當肩井。指頭及缺盆。大拇指在肩髃後。




車轉母法

陷處。翻右手掌。拘持患者肘後。用力拽舉如彎弓狀。循患者耳後。轉旋如轉轆車狀。右手拽則左手拇指用力。捺肩髃後。循耳後。轉旋則四指頭用力。捺缺盆。運轉數次。




車轉子法第一

醫坐如母法。一人在患者前扶患手。其法開兩足而立。翻右手把患者之大拇指魚腹。翻左手把住患掌背腹。隨醫旋轉輕牽。慎勿緩弛。醫與扶者爲摘摘勢。齊一旋轉。其法小異母法。左手覆住肩井。大拇指揣入臑臑陷中。以右手虎口向肘逆握患者臑間。用力於肩。與扶者回轉。及其耳後。則斜肩屈肘揚之。幹旋一次。又轉來至耳後。則用力于掌。捺定臑肉。開指頭轉掌。順換握。徐徐回轉。而至脇肋。則扶者放手而退。醫乘勢而挫頓。




車轉子法第二

使患者端坐。醫坐其右背。  
後如雁行。立右膝。以右手  
輕握患者肘後。而徐徐啟  
之。用左手掌。插絮團于其  
脇肋與肘間。用指頭推入  
於腋下。團皆入則更用虎  
口衝上。使右手所握之患  
肘漸切近於脇肋。則髑骨  
發起復其舊。尚不去絮團。  
用裹帛如法。




車轉子法第三

使患者屈其左肘。以  
掌按其臚中。而端坐。  
醫坐右側。斜欹左膝。  
以二疊軟布。當患手  
腋下。以左手掌抑之。  
以右手握定其腕後。  
以抑腋下。急推倒。  
其手法機發。在妙訣  
焉。



#### 車轉子法第四

使患者正坐。醫雁行於背後。跋扈兩脚。以左手撐住患者肩髃。以右手把定患者右腕後。帶回轉之意。徐徐顛掉。而拽患者肘高舉。而跨飛右脚於患者膝前。乘勢回轉。其回轉也。拽於患者膝頭。至於脇下。沿耳後高舉。令不弛。轉旋數次。如母法。




### 車轉子法第五


使患者正坐。醫立其右背。後雁行。跋扈兩脚。左手覆患者肩井。四指當缺盆雲門。上大拇指當膈腧穴。緊固捺定。右手把住患者右腕。乘拽勢退關右足。而拽倒患者。載其右肩。翻於左足跗上。左手猶在缺盆肩井。而抑定。屈右足。欹左膝。以跗扇翻其所載肩髀。其訣也。以所把住右手。捏擦扇翻。要與足跗一齊。



使患者正立。醫立患者背後如雁行。歛右膝。左踵如母法。左手大拇指  
揣入臙脰陷處。四指覆肩。上右手把住其肘後。徐徐動搖。乘舉勢。有拗之  
光景。以推出爲度。




車轉子法第六




### 車轉子法第七

使患者正立。醫立背後。如母法。以左手掌覆肩髃。拇指當臑膺穴。四指頭當缺盆。雲門上。右虎口挾持患者肘後。如母法自腋下。輕控於背後。沿耳後幹旋。將舉回。則左手拇指推臑膺穴。至耳後。則掌中推鬲骨上。轉向前。則推缺盆下。每幹旋互推三處。手裏在妙訣焉。一名三折車轉。




車轉子法第八

使患者正立。醫對立。  
立左膝。右手搭患者  
肩井上邊。四指至肩  
胛。如鉤引於前狀。左  
手擡握患者肘頭。爲  
微回意。而捺背後。則  
右手拽之。往來數次。  
以缺盆骨露起爲度。




圓旋母法

使患者正立。醫在患肘前。對坐其間尺餘。立左膝于患者右側。微側身向患者之左。右手握定患手腕後內側。左手掌上承載肘尖。伸首合住頭顱於患者右肩窩下膊上。令患者不動。搖以所握手。捺屈患手於患者頭下胸邊。左旋向外回轉而拽伸之。合住肩髃額顱與承載肘尖左掌。握拽腕後右手者。其期要一齊焉。




圓旋子法第一

使患者俯臥，醫對其  
右側立左膝，肢右踵，  
跗臂於跟上，以右手  
握定患手掌後，當左  
手於患者腋下，用力  
于腕，急速推倒患者，  
倒時醫振左手肘，以  
足澤受患手肘尖，以  
右手微撓其腕骨於  
外，曳定於內焉。




圓旋子法第二

使患者正立以帨巾  
瞶其兩眼結之腦後  
又以巾卷其患手腕  
後寸口以繩索及絹  
帶約六七尺許扎住  
其上繫其末於櫺佐  
者一人在患者左側  
欹坐以兩手抱持之  
醫雙手握麴杖極力  
自頭上打繩索中央  
勢如擊弦上則肘骨  
頓復



圓旋子法第三

使患者負壁若牆正  
立醫對立於其傷肘  
斜右膝伸右手以掌  
按住患者右乳上以  
左手握患手腕後外  
側右掌捺乳上則左  
手帶向內回轉之意  
而徐徐隨呼吸拽伸  
焉。



#### 圓旋子法第四

依母法回轉臂肘頗

緩半伸半屈如人字


樣勿令伸承肘左掌

之大拇指食指挾肘

骨帶掬之意徐徐回


轉臂骨則肘骨合縫





躍 魚 法

使患者正立而覆患手。醫對立其前側右手。上大拇指下四指。把住患手四指中節。仰左手。上大拇指。下四指。按其腕骨不緩不緊。乘勢而右旋拽伸之。登時以所按腕骨之大拇指。摻聚皮肉於腕骨上。則腕前筋脈爲之不攣急。令骨節易運轉。而轉大拇指。推入陽池穴陷處。其運轉也。要以按腕骨手衝上。以握四指手曳下。左右有引訣於上下之意。而骨節寬容焉。



游 魚 法

使患者正坐醫

對坐側右手手


拇指下食指把

定患指頭左手

亦上大指下食


指按患節上運

轉如躍魚法




鸞 翔 法

使患者正立，醫踞其背後，跂左踵，跂出右脚，生腰直身，當左掌于患者胛骨，四指頭鈎胛骨上稜骨，以掌側骨端捺肩胛側骨，右手入患者腋下，屈肘伸五指，銜患者乳上，張肘腕後，承定患者肘後，令伸肘，醫用力于曲肘，自肩捺上托送患者肘於頸邊，乘其捺送之勢，左手從之，指頭用力捺鎖胛骨，掌側骨亦用力捺送其胛骨于外，送極而右手微帶在旋意，自肩用力拽來，規以患者之體，其拽來右手鈎承之，其推送左手以整頓爲要。



法 母 風 靡

使患者叉手盤立。醫坐其背後。立右膝。跂左踵。置臀於跟上。右腕當脾俞。其指頭向脇肋骨橫推之。其肘尖架住膝頭。以爲用力地。插入左手於腋下。屈臂如軒。伸五指橫左乳上。掌後腕骨在胸肋擁抱之。使患者體微仰。而撓於後。右手承載患者體。以微推出。意轉回之。其回也。左手從肩。右手從腰。徐徐爲之。勿疾速焉。




一第法子風靡

使患者正立。醫對立  
於患者左胸。斜歛右  
膝。右手插入患者左  
腋下。橫其腕于背脾  
俞。拗中。勾定於患體。  
當左手腕骨於兩乳  
間。拗中。伸四指壓之。  
帶母法之意。從其呼  
吸。捺送胸肋數回。與  
母法前後相反耳。




## 二第法子風靡

使患者正立。佐者一人在前。跋扈。以兩手搭住患者兩肩。翹上。醫蹲踞患者背後。中央。跗兩手肘尖於兩膝頭。兩腕骨橫當胛骨下。四指斜向兩腋擁之。佐者擗右肩。則醫捺右胛承之。擗左肩。則捺左胛承之。如被靡風狀。左右數次。



### 三第法子風靡


使患者叉手正立醫  
立在背後。肢兩踵安  
住臂於跟上。插入兩  
手於腋下。合抱患者  
叉手下。以胸膈切當  
患者膏肓下邊。兩拘  
向上反張。令患者背  
乘於胸上。摩軋之。展  
身左轉。又展身右轉。  
左右挾轉六七回。



法 母 跨 鶴

使患者交臂於胸前  
而正立醫在其背後  
跂兩踵踞臀於跟上  
用兩膝頭緊挾患者  
兩髀骨兩手插入兩  
腋下以鈎上之生腰  
左之右之展回動搖  
而患處平直爲度





鶴跨子法

使患者正立。醫在其左背  
後。立右膝。跂兩踵。附臀於  
跟。上用右手腕骨。當脊骨  
患處。伸五指。向右脇肋。架  
住其肘尖。于膝頭。以爲用  
力之地。左手插入左腋下。  
屈肘伸五指。橫胸上玉堂  
華蓋。張肩抱患者體。右腕  
骨捺轉脊骨。其轉也。令其  
體斜仰。




騎龍母法

使患者俯臥而伸脚屈右  
膝醫立左腰側開兩脚跋  
入其右足於患者膝間屈  
腰下左手探求腰間脊骨  
之合縫處逆掌押其骨尖  
下右手持膝頭屈上如燕  
尾法乘勢回轉曳伸之當  
其回轉曳伸時以左掌緊  
捺骨尖要在中其肯綮焉




騎龍子法

使患者正立，醫立其腰後，患處在右則拔入左腳于患者右側，右手掌橫當腰間尖骨上，其指頭向外，插入左手於右腋下，伸五指橫當右乳上，如抱持定，使患者形偃仰，極力於右掌，乘以腕骨動搖之勢，頓挫推轉於前，當其推出，右手如挽患者體，跨越於右腳，相代於左腳，與手如一齊。




燕尾母法

使患者上其右髀側臥而半屈其膝。醫立其腰後。跋尾折腰。以左手掌捺髀髁尖骨。右手屈四指。鉤住膝頭舉試之。要髀骨尖頭入於掌心。若不入則更爲焉。更屈承舉膝頭。托送患者乳下季肋間。乘勢向下頓挫回轉之。當其回轉曳伸也。左掌緊推髀髁尖。帶自外面向於背之意。以掌推髀則應機而復焉。




燕尾子法第一

使患者側臥如母法。佐者與醫斜向立。屈腰持患者踵與斷骨。從醫運轉無用。自意醫如母法。立於腰後。屈腰下一手掌于髀樞骨尖。要緊押按定。當運轉令髀骨尖不突起。一手承持膝頭如母法。屈上膝頭於季肋邊。徐回轉三次。乘勢挫頓以歸窠。佐者亦隨之曳伸其踵矣。




## 燕 子 尾 法 第 二

使患者側臥如母法。插入  
疊被于裏帘所縛傷股間。  
佐者對立患者面前。兩手  
持被前端。醫右手斜合持  
補後端。而提舉之。左手緊  
捺髀骨尖。回轉如母法。其  
右手不及脚。只被中將送  
之也。亦要徐遲其曳也。乘  
勢而復其位。



尺 蠖 母 法


使患者仰臥。醫對坐其右  
脚傍。立左膝生腰。左掌覆  
定患者膝蓋骨上。右手緊  
握踵。徐徐捺屈脚於患者  
胸前。衝入跟於股間。勢射  
會陰。頓回轉而拽伸焉。其  
登也用力於覆蓋骨掌。其  
曳來也。使蓋骨不頓於地。  
向上而以握踵右手回轉  
拽伸數回。



尺蠖子法第一


使患者坐，醫對坐，患  
脚右前，而立左膝，右  
手握定踝骨，左掌搭  
患者項，用其四指頭  
鈎壓左枕骨邊，使患  
者頓首於前，乘其勢  
右手拽定脚。






## 尺蠖子法第二

使患者伸出患腳於  
前。醫對其膝右傍而  
坐。一手握定脚跟。一  
手屈掌。用虎口鉤住。  
上移膝蓋骨上際。按  
撫下之下之也。以握  
跟手。屈伸其膝如母  
法。蓋骨稍稍下而歸  
元。




### 尺蠖子法第三

先以杉籬裹帘法。纏  
縛股骨傷處。佐者一  
人以兩手抱持裹帘  
上醫對坐如母法。用  
小被載患脚踵。跟左  
手覆膝頭如母法。以  
右手徐拽其被。則佐  
者抱持而相應焉。




法 玉 弄

使患者趺出右膝於  
前而坐醫傍其膝外  
側與患者並坐倒左  
手以虎口挾定踝骨。  
覆右手握患足指令  
其跟着地。帶以四指  
上鉤以魚腹下托之  
意而旋轉之。左手乘  
其勢令踝骨上下。恰  
如弄玉狀。則復其舊。



螺 旋 法

使患者伸右脚於前  
而坐醫對坐於其足  
而左手掌心拘住其  
心。左手掌心拘住其  
跟骨洩之。要令不脫。  
右手大拇指把住  
足四指。推出其跗。左  
旋回轉而拽伸之。左  
掌中之跟左旋回轉  
如螺殼形。



法尾傷

使患者立右膝仰出  
足跗而坐醫傍其外  
側立左膝斜與患者  
並坐屈左手四指頭  
橫當其足心湧泉穴  
而捺上覆右手以腕  
骨當其足跗上握四  
指捺屈而向於外回  
轉其屈壓也捺跗上  
腕則自上推下捺湧  
泉指則自下推上皆  
極力回轉焉。

# 接骨經驗方

麻藥部

整骨麻藥

草烏 三分

當歸

白芷 各二分半

右末每服伍分。熱酒調下。麻倒不知痛。然後用手如法整理。

九鳥散

蔓陀羅花 一錢

露蜂房 三分五釐

鳩糞 三分五釐

反鼻 一錢一方無反鼻

右四味細末。以麻酒飲服。實人九分。虛人八分。昏沉不醒者。與麝煎茗一碗爲妙。

草烏散 治傷骨節不歸窠者。用此麻之。然後下手整頓。

白芷

川芎

木鼈子

豬牙皂角

烏藥

半夏

紫金皮

杜當歸

川烏 各二分

舶上茴香

草烏 各一分

木香 半兩

右爲細末。諸骨碎骨折出臼者。每服一錢。好酒調下。麻倒不知疼處。

燙藥部

艾湯泥 治打撲筋攣骨閃挫。及久年打撲痛。

藏瓜薑糟

熟地黃各六錢

生薑二錢

艾十五錢

右四味內搗盆研爛爲泥，攤好厚紙上，再以紙覆其上，敷患處，燒紙燬烙，熨紙上。

黃酒散 熨骨節疼痛。

飛羅麵二合

雞卵三枚

樟腦二錢

右三味，以好酒五合，文火煮，蘸白布蒸熨數次。

蒲黃散

馬鞭草

蒲黃

烏頭各四錢

右無灰酒或霹靂酒煉爲泥，塗患處，厚六七分，以絹或紙覆之，用火鍼熨其上。

馬鞭散

生地黃

蒲黃

馬鞭草

右三味

定痛散 治一切打撲損傷，定痛消腫，舒筋和絡。

當歸

川芎

芍藥

桂枝各一錢

三奈三錢

麝香三分

紅花五錢

紫丁香根五錢

升麻 一錢

防風 一錢

右爲末，以葱白汁和爲泥，敷痛處。以毛頭紙蘸醋貼藥上，燒鐵熨斗烙紙上，以傷處覺熱，口中自有聲爲度。

熨烙泥 治打撲及肩臂手足不可屈伸者。

酒糟 七十錢

冬青葉 五十錢

桂枝

合歡皮

生地黄 各七錢

右先細剉冬青葉三味爲末，和糟入臼杵爲泥，團之如餅大，以紙作盂盛藥于其中，置患處烙其上。

國壽散

百草霜 十五錢

飛羅麵 二十錢

生薑汁 五錢

右以酒和勻貼紙上，以火鍼熨其上。

泊夫藍湯 打撲傷損腫痛，諸般之熨藥，正骨家常用。

忍冬 三錢

黃柏 二錢

紅花 四分

硝石 一錢三分

樟腦 八分

當歸 四分

川芎 六分

桂枝 八分

地黃 五分

右以布裹一劑，浸火酒中，煮令色微紅，熨患處。



膏藥部

蚯蚓膏 緩筋學筋縮骨關強者。

蚯蚓 四十八錢水  
洗去泥淨

右清酒三十二錢麻油百九十二錢令相和內蚯蚓文火煮以水氣盡爲度。

笏爾膏 療一切金瘡止痛方。一名百效油

麻油 一合

椰子油 四錢

乳香 一錢  
六分

小麥 一合

右小麥浸麻油三日煮令焦。濾去麥渣入椰乳煉收。

敷藥部

一白散 治打撲傷痕紫黑有瘀血流注無熱者。

半夏

右末薑汁調傅

鯽魚泥 治折傷肉爛腫痛者。

生鯽魚

右去腸骨爲泥塗患處。

生鱸泥 治折傷肉爛嫩熱者。

泥鱸

右搗爛爲泥塗患處。

茴香酒

茴香

樟腦

紅花

右三味浸火酒納磁器封固三十日。

雞舌丹 不問新舊諸般打撲杏蔭齋常用此方。

桂心末

四十錢

丁子

一錢

肉桂

二錢

糯米

二合

右細末用密絹羅磨篩出陳醬汁和勻雞翎掃搽患處。

翻風散 治手掌後軟骨高起不痛不膿無寒熱者。

輕粉

一錢

山椒

末二錢

右二味研羅爲細末水調塗遍。

救急奇方 治諸傷瘀血不散。

野苧葉

右於五六月取收野苧葉搗爛塗金瘡上如瘀血在腹用順水搗爛服。

卽通血皆化水以死豬血試之可驗秋月恐無葉可早收之。

黑龍散 治墜馬或高墜腰脚腫痛。

苦瓠霜

大者難  
共霜

鹽梅

右二味燒存性。清酒或火耐和。調搗痛處。

赤地利散 治打撲傷損。青紫腫硬。數日不減者。

赤地利

黃栢

石灰

右三味爲細末。礬醋和勻。雞翎掃塗。

楊梅散 治打撲腫硬痛。

黃栢

楊梅皮

胡椒

右三味爲細末。火酒和勻。爲泥。搽塗患處。

假母布刺酒 久年打撲痛

火酒

四百八  
十錢

片腦

十錢

右搜令相得。納壺煮溶。封其口。埋土中百日。取出。羽掃患處。

琥珀散 療手足閃挫方。

酒

藥

二十  
錢

松脂

四十  
錢

雞子

右爲末。糊調塗損處。以柳皮或藥皮覆藥上。復以綿布卷扎。如此每日

一度。

無名散 諸般顛跌打撲。

楊梅皮

鹿角霜

石灰非汁

無名異各等分

右酢或酒和調爲泥攤紙上以罨患處

玳瑁光 治墜馬折傷打撲一切骨節疼痛不治之症奇驗方

阿膠二錢

右以生薑汁煮膠烱消合生薑渣攪令相得適寒溫臨臥敷患處冷不  
成功以綿被覆藥上半時許覺熱爲知

生鱸泥 治打撲

生鱸魚

砂糖

右二味杵成泥研勻敷痛處

鱗血散 折傷奇方

乳香

鱗血

紅花

麝粉

右熱酒醋和勻

青泥 療打撲

接骨木葉

右搗爛取自然汁搽患處

綴藥 耳鼻傷損落者

接骨經驗方

用人髮入陽城礮，以鹽泥固濟煨過爲末，乘急以所傷耳鼻蘸藥，安綴故處，以軟絹縛定。

消毒定痛散 治跌撲損傷，腫硬疼痛。

無名異

木耳妙

川大黃各五錢

共爲末，蜜水調塗。如內有瘀血，刮去敷之。若腐處，更用膏藥敷之尤好。

麻肌散

川烏

草烏

南星

半夏

川椒

右末，唾調搽之。

洗藥部

散瘀和傷湯 治一切碰撞損傷，瘀血積聚。

番木鱉油浸去毛

紅花

生半夏各五錢

骨碎補

甘草各三錢

葱鬚

右水五碗，煎滾入醋二兩，再煎十數滾，薰洗患處，一日十數次。

菊蘘煎 療打撲疼痛，腫不消。

忍冬

菊蘘

接骨木

艾

石菖

蓮葉

折傷木各一兩

食鹽一合

右七味以水二升煎取一升洗損處。

片腦水

樟腦

右大寒節取井花水腦一味盛麻囊浸三十日。

丸散部

雞鳴散 治從高墜下及木石所壓凡是傷損血瘀凝積氣絕死煩躁頭痛不得叫呼並以此藥利去瘀血治折傷神妙。

大黃 一兩酒蒸

桃仁 二十粒去皮尖

右研細酒一碗煎至陸分去渣雞鳴時服次日取下瘀血即愈若氣絕不能言急擊口開用熱小便灌之即愈。

當歸導滯散 治打撲損傷落馬墜車瘀血大便不通紅腫青黯疼痛昏悶畜血內壅欲死。

大黃 一兩

當歸 二分

麝香 少許

右三味除麝香別研外爲極細末入麝香令勻每服三錢熱酒一盞調下如前內瘀血去或骨節傷折疼痛不可忍以定痛接骨紫金丹治之奪命散 治刀刃所傷及從高墜下木石壓損瘀血凝積心腹痛大小便

不通

水蛭

用石灰拌燻火炒令黃色半兩

黑牽牛二兩

右末每服二錢熱酒調下約行四五里再用熱酒調黑牽牛末二錢催之須下惡血成塊以盡爲度

八釐散 治跌打損傷接骨散瘀

蘇木 一錢

鉄砂 一錢

自然銅 三錢煅七次

乳香 三錢

沒藥 三錢

血竭 三錢

麝香 一分

紅花 一錢

丁香 五分

番木鱉 一錢油燻去毛

右共爲細末黃酒溫服童便調亦可

黑藥方 治打撲傷損

乾過臘魚 二錢

山椒 二錢爲霜

右爲末溫酒送下

當合丸 治打撲傷損兼下血

百草霜 十錢

赤豆 炒至紅色爲度一錢

柿蓬 五錢黑炒

銀蛇 酒炙一錢

右末溫酒送下味嚼汁亦佳

疏血丸 此藥止血開胃

百草霜 三錢

好阿膠 蛤粉炒

藕節

側柏葉

茅根

當歸

右共爲細末。煉蜜爲丸。如梧桐子大。每服五錢。早晚陳酒送下。

塞鼻丹 此丹治跌打損傷。鼻中流血不止。神氣昏迷。牙齒損傷。虛浮腫痛者。及一切衄血之證。皆可用之。

朱砂

麝香

丁香

烏梅肉

川烏

草烏

當歸

三奈 各一錢

乳香

皂角 七分

右共爲細末。用獨頭蒜泥爲丸。以絲棉包裹。塞於鼻中。

回陽玉龍丸 治跌打損傷。氣虛寒冷。

草烏 二錢

南星 一兩

軍薑 一兩

白芷 一兩

赤芍 一兩

肉桂 五錢

右共爲末。葱湯調搽。熱酒亦可。

六味地黃丸 傷損之證。肌肉作痛者。乃榮衛氣滯所致。宜用後元通氣

散。筋骨間作痛者。肝腎之氣傷也。

熟苧 八兩

山萸肉 四兩

懷山藥 四兩

牡丹皮 三兩



澤瀉 三兩

茯苓 三兩

右共爲末，煉蜜爲丸。如梧桐子大，空腹白湯服三錢。

蘇合香丸

沈香

木香

丁香

白檀

麝香

安息香

酒熬

香附子

白朮

藜蘆

訶子肉

硃砂

犀角

鎔各一兩

乳香

片腦

蘇合香油

入麝香膏內各五錢

右將各味咀成片，爲細末，入腦麝安息香蘇合香油同藥攪勻，煉蜜爲丸。每丸重一錢，用蠟包裹。每用大人一丸，小兒半丸。去蠟皮以生薑自然汁化開，擦牙關，別煎薑湯少許，調藥灌下神效。

驚風散 治一切久年打撲痛。

驚風散 去驚風起腦以紅花  
花人參一兩填腹

右納土器，鹽泥封固，燒存性爲細末，熱酒送下一錢。

黑神散

黑豆 去皮炒  
半斤

熟乾地黄 酒浸

當歸 去蘆酒製

肉桂 去粗皮

乾薑 炮

甘草 炙

芍藥

續黃 各四兩

右爲細末。每服二錢。酒半盞。童子小便半盞。不拘時煎調服。  
湯藥部

復元活血湯

治從高墮下。惡血凝結。腫硬疼痛。不可忍者。

柴胡

五分

當歸

穿山甲

炮

括蕪根

各三錢

甘草

紅花

各二分

桃仁

去皮尖  
五十箇

大黃

酒浸  
一兩

右杵桃仁研爛。餘藥剉如麻豆大。每服一兩。水二鍾。酒半盞。煎至七分。去渣。食前溫服。以利爲度。

斂血劑 治因金刃傷而動經脈。卒暈欲死者。故產後血暈及打撲動經脈者皆主之。

萍蓬

桂枝

木香

當歸

黃芩

白朮

黃連

甘草

川芎

丁子

地黃

檳榔

茯苓

大黃

人參

右十五味。細剉盛布囊。漬麻沸湯。須臾絞頓服。

清上瘀血湯

治上膈被傷者。

羌活

獨活

連翹

桔梗

枳殼

赤芍藥

當歸

梔子

黃芩

甘草

川芎

桃仁

紅花

蘇木

大黃

右生地黃煎。和老酒童便服。

清下破血湯 治下膈被傷者

柴胡

川芎

大黃

赤芍藥

當歸

黃芩

五靈脂

桃仁

枳實

梔子

赤牛膝

木通

澤蘭

紅花

蘇木

右生地黃煎。加老酒童便和服。

正骨順氣湯 杏蔭齋諸般打撲傷損通用之。

當歸

川芎

白芍藥

蒼朮

厚朴

茯苓

半夏

白芷

枳殼

桔梗

乾薑

桂枝

麻黃

甘草

羌活

蜜香

右薑水煎

赤地利湯 治打撲奇方。

赤地利

右水煎頓服。一方燒存性。糯米粉中停溫酒送下。

鰕魚湯 治打撲折傷。

鰕魚 二錢

當歸 六分

川芎 五分

大黃 四分

右四味以水二合煮取二分日二服服之則患處覺痛久者服十餘劑愈神效。

加減蘇子桃仁湯

治瘀血內聚心經瘀熱大腸不燥者。

蘇子 二錢

紅花 一錢

桃仁 炒

麥門

橘紅 各三錢

赤芍

竹茹

當歸 各二錢

右水三鍾煎一鍾渣二鍾煎八分溫服。

犀角地黃湯 撞撲胸膈吐血者。

犀角

生地黃 酒浸別搗

牡丹皮

白芍藥 各等分

右水煎

桃仁承氣湯

大黃

芒硝

桃仁

桂枝

甘草

右水煎服以利爲度。

抵當湯

水蛭

蟅蟲 各三十枚去翅足

大黃 一兩酒浸

桃仁 三十枚去皮尖

右以水五升煎取三升去滓溫服一升不再服  
調經散

川芎

當歸

芍藥

黃耆各一錢半

青皮

烏藥

陳皮

熟地黃

乳香別研

茴香各一錢

右作一服水二鍾煎至一鍾不拘時服

折傷木傷

折傷木

當歸

川芎

地黃

大黃

芍藥

澤瀉

枳實

茯苓

蒲黃

甘草

右十一味

四物湯

當歸三錢

川芎

白芍

熟地各二錢

右水煎

百合散

川芎

赤芍藥

當歸

百合

生地黃

側柏葉

荊芥

犀角

丹皮

黃芩

黃連

梔子

鬱金

大黃各一錢

右水煎。加童便和服。

加減承氣湯

大黃

朴硝各二錢

枳實

厚朴

當歸

紅花各一錢

甘草二分

右水酒各半煎服。

玉燭散

生地黃

當歸

川芎

赤芍藥

大黃酒浸

芒硝

右引用生薑水煎。